

都

公

譚

纂

都公證卷二序

萬安

江蘇

門人陸采編次

此提要明初修洪武元年明太祖以夢多可詐仕此書多五  
頁乃之書是也。○餘如元在洪武年間有日無之或國也一  
也

郝公譚纂卷上

門人陸采編次

元太祖尊禮邱長春屢試其術一日長春入朝  
語弟子可掘坎以俟及入太祖賜醪酒一杯  
長春飲之無難色亟歸浸坎中得生頭髮盡  
禿明日又為弟子索絲繩以入太祖賜玉冠  
長春出絲繩繫之而謝太祖祥其術禮之愈  
隆後欲妻以公主堅不可辭遂自腐以告絕  
其日乃十月九日今京師之謂閹九為會甚  
盛

張氏被圍時松江人有以其鄉兵來援者蔓延  
嘉定知州張孟循方坐堂上松江人荷戈而  
來孟循斥之曰若等非病子則狂童也今姑  
蘇已在旦莫尚誰援哉從楚昇之以往孟循  
復以是叱其爲首者越二日師至遂平松江  
孟循上謁其主帥曰嘉定非畔我者弄兵自  
松江耳願以其餘生贖數萬人命帥狀之孟  
循乃得還嘉定縛爲松江之徒者數輩而爲  
徽以告州人州得無虞云

陳惟允偉鬼有文才爲偽吳左丞饒介上客嘗

乘馬過樂橋王止仲拱立其旁惟允不下但  
舉策指曰王行可來我家觀畫止仲敬諾如  
命後其子嗣初从止仲游止仲題其畫稱惟  
允爲先友劉解元政惟允壻也以筆塗之曰  
王行昔望吾舅馬塵不及何先友爲此畫尚  
存上有磨擦處

楊廉夫倪元鎮一日會飲於友人家時席有歌  
妓廉夫興發脫妓鞋置酒杯中使坐客傳飲  
名曰鞋盃元鎮素有潔病見之大怒翻按而  
起廉夫亦色變飲席遂散後二公竟不復面

倪

元鎮性好潔不能容物嘗寓其姻鄒氏

塾師陳子章有壻曰金宣伯一日來訪鄒翁

元鎮聞宣伯儒者倒屣迎之見其言貌麓率

大廷掌其煩宣伯不勝婉憤不見主人而去

鄒翁出頗怪之元鎮曰宣伯面目可惜語言

無味吾已斥之矣元鎮素好飲茶在惠山中

粉胡桃及雜果成膏切置茶內名清泉白石

有趙行恕者宋宗室也慕元鎮清致訪之坐

定童子供茶乃畧不知風味負俗物也行恕

歸自是絕交

以行恕建嘆果膏元鎮絕然曰吾子為王孫故出此茶

張士誠弟士信聞元鎮善畫使人持絹兼備以幣求其筆元鎮怒曰倪元鎮不能爲王門畫師卽裂其絹而却其幣一日士信與諸文士游太湖聞渡舟中有異香士信曰此必有異人及傍舟近之乃元鎮也士信見之大怒欲手刃之諸文士力爲勸解狀猶鞭元鎮竟不吐一語以是得釋後有人問之曰君被士信窘辱而一語不發何也元鎮曰一說便俗

滕某者宋學士元發之後家于無錫元季楊鐵  
厓維禎將訪倪雲林天晚泊舟其門滕富而  
禮賢知為鐵厓請至其家鐵厓曰有紫螭醇  
醪則可主人曰有鐵厓入門滕說盛供出一  
妓侑觴且命妓索詩鉄厓援筆成詩曰疎  
西風秋漸老郭索肥時香晚稻兩螯盛貯白  
瓊瑤半殼微含紅瑪瑙憶昔當年蘇子瞻較  
臍吐論團尖我今大嚼不知數况有醇醪  
似蜜甜

倪瓚所居有清閨閣雲林堂其清閨閣在勝前



植碧梧四周列以奇石蓄古法書名畫其中  
客非佳流不得入嘗有外國人進貢元君道  
經無錫閭瑱名欲見之以沉香百觔爲贄瑱  
令人詒云適往惠山飲泉翼日再至又云出  
採梅花夷人以傾慕不得一見徘徊其家瑱  
乃令人開雲林堂使登焉堂東設古王叔西  
設古鼎彝罇壺夷人方驚顧瑱謂其家人曰  
聞有清閼閣者能一觀否家人曰此閣非人  
所易入且吾主已出不可得也其人望閣再  
拜而去

楊廉夫好大言嘗自其所撰責趙普文云此等

文字不宜多作恐鬼神見足一詩有佳句

便題云宛然鐵門家法又跋宋克書予每作

必命仲溫書之大抵多類是題

倪元鎮既散其田而稅未及推入國朝催科者

全集元鎮逃去潛于蘆中焚龍涎香被執囚

于郡獄每餽食獄子傳以入元鎮必戒以舉

按過顓獄子不省以問知者曰彼好潔恐汝

唾沫及飯耳獄卒怒顓之溺器上宋為新兒

四明陳子經在勝國時嘗作通鑑續編書宋太

祖廢周主為鄭王

舊編書匡亂奉周主雷忽

震其几子桎屈聲

曰老天便打折陳桎之聲

亦不換矣後三日子桎因晝寢夢至一所類

王者居有人人報陳先生至矣其中坐者衣

黃袍起坐待之曰朕何負於卿乃比朕於暴

邪子徑心知其為宋祖對曰陛下欲臣死即

死耳史贊直筆不可易也遂驚寤後為我大

祖所戮

元江浙行省有某平章者將之任道間忽染中

風四肢不舉延吾鄉葛可久治之可久登其

舟適金華朱彥修先在二公素相聞而不相  
識見之甚歡乃共脈平章彥脩曰疾已殆不  
可藥矣可久曰吾固知其殆然尚有一鍼法  
彥修曰君之鍼第可運其二肢無益也左右  
彊可久鍼人鍼如彥修言彥修問平章歸家  
道途遠近以指計之謂左右曰卽回尚可抵  
家稍遲無及矣平章遂還及門而卒

嘉興吳仲圭家甚富与盛楚子昭居客遲當時  
鄉人多夢子昭之畫仲圭每見人持紙絹過  
門必謂之曰吾畫能賣錢汝曷不求我往：

與之作一紙半幅俟其去潛使人以重價購  
之由是其畫湧貴求者塞門予昭不能逮也  
誠意伯劉基元末在燕京時書肆有天文書一  
部久無售者基至手其書不置次日往肆中  
老翁扣基昨所覩則已能成誦矣翁大驚乃  
以書授之且為語其奧基歸復注則翁已聞  
肆不知所之

松江袁凱字景文洪武間為監察御史時周  
王有罪高皇帝欲誅之懿文皇太子日  
夜號泣上不能決一日臨朝召問諸御史凱

對曰陛下欲誅之法之正太子為宥之者  
心之慈上怒以為持兩端命繫之獄嘗使  
人往視曾食否曰不食已三日矣上因引  
對諭之曰女言亦有理但可在父子之間使  
他事則不可也遂赦其罪凱恨因佯狂不朝  
見上問素凱如何不見衆以凱疾對上曰  
吾聞風顛者不識痛痒因舁之來以木鑽之  
之凱殊無痛苦上曰聞葺不才放回原籍  
歸而其狂如故上聞遣使諭曰上常思  
念先生使先生為一郡教授鄉飲酒位大賓

何如凱方負鉄鏈謳小辭瞠目不答遂得免死

素景文善謔洪武中雷擊邑中崔氏亭柱景文  
撰俚詞末云電光明滅處爭不把衆人嫌的  
先下手或許其指斥新之而免凌倖狂家居  
故人朱慶餘來長耳過其門景文趨而揖之  
曰朱慶餘驢來應聲曰此畜生非驢乃獬廌  
截去角尔

國初宋學士景濂精於釋、宗、泐、李、禪精於儒  
太祖每稱之曰泐秀才宋和尚

國初林膳部子羽作義象行曰有象：：來天  
都大江欲渡心咨且誘之既渡獻天子拜跪  
不與象象俱象奴勸之拜怒鼻觸象奴賜酒  
不肯飲哺之亦不哺屹然十日受飢渴俛首  
垂淚憤且吁天子命殺之象官束手莫敢屠  
侍衛傳宣呼壯士被甲各執丈二矢象戰久  
不克兵捷象乃殂憶昔君王每巡幸象當法  
駕行天衢珊瑚錯落明月珠被服美錦紅氍  
毹紫泥函封載玉璽萬樂爭擁群龍趨玉筵  
歸沙漠龍亦歸鼎湖所以老象心南來撫死



骨為枯嗟尔食祿人宜負七尺軀高々白玉  
堂赫々黃金臂伊昔軒冕金泥塗嗟尔食祿  
人不若飯豆芻象何潔尔何汚天子齒衣萬  
世治保金象德行天誅嗚呼象乎古所無嗚  
呼象乎古所無

楊庶夫洪武初被召入見太祖曰卿在前元  
時何官對曰左榜進士太祖曰卿張時六  
曾仕乎對曰非其君不仕時庶夫服新製巾  
太祖問卿所服何巾對曰四方平定巾太  
祖悅召中書省臣依此製使天下盡服之今

之乎巾是也。太祖又令廩夫賦鐘山詩。廩夫援筆立就曰：鍾山千仞，楚王西王柱曾經。御筆題雲：護金陵，龍虎壯月明珠，樹鳳凰樓。氣吞江海三山小，勢壓乾坤五嶽低。願效華封陳敬祝，萬年聖壽與天齊。太祖曰：此詩直一千貫。今日庶事方殷，姑賜五百貫。又曰：宋廩在內閣，與諸儒共脩元史，卿可往觀之。廩夫辭謝入閣，人有以宋公所為文者示廩夫者。廩夫笑曰：拾氣卑弱辭語，散漫何得為文？或以告宋公，公曰：誠有如是者。後廩夫

不公雅量

辭歸不久以疾卒宋公銘其墓推其文至此之日星河嶽云○

蹇忠定公初名璫洪武乙丑登第擢中書舍舍人掌外制丁卯春三月間內艱陞辭以其祖嘗冒李姓父籍有未易因請於上上惻然憫之為復其姓御筆丹書一義字賜之以易璫名仍賜楮幣五十緡俾乘傳而歸公之榮遇可為至矣

松江人孫道明者家業屠猪為夏萬戶家佃戶道明每日坐肆中手執一編以讀一日萬戶

坐舉經其門怪而問之知其為家佃戶子也  
遂繫之以歸所儲書恣其披閱道明一生寫  
書密行楷字至老不倦所寫積至數千<sub>百</sub>本洪  
武間其人猶在死後書散落人間每本後皆  
有道明題識

張潞公仲舉沒於至正末無子一女嫁民間洪  
武中其人元陝西軍携女自隨潞公妻吳夫  
人尚在年已八十瞽雙目無人供養寄食北  
平軍營中病甚軍卒惡之移置風簷之下遂  
死然無棺以斂時僧道衍居北平素與潞公

友善或告之衍匍匐往視其敝篋中有詩一  
紙乃潞公筆衍曰此真吳夫人也為買棺葬  
之衍有和潞公詩二十首

王叔明洪武初為泰安州知州泰安廳事後有樓三

間正對泰山叔明画泰山之勝張絹素於壁  
每興至輒一舉筆凡三年而畫成傳色多了  
時陳惟允為濟南經歷與叔明皆妙於画且  
相契厚一日會值大雪山景愈妙叔明曰  
改此畫為雪景可乎惟允曰如傳色何非明  
曰吾姑試之乃以筆塗粉色殊不活惟允沉

思良久曰我得之矣為小弓夾粉筆張翥之粉  
落絹上儼如飛舞之勢皆相顧以為神竒非  
明就題其上曰岱宗密雪圖自誇以為無一  
俗筆後惟允固欲得之叔明因輟以贈陳氏  
寶此圖百年非賞鑒家不出松江張學正廷  
采好竒之士亦喜丹青聞陳氏蓄是圖往觀  
之卧其下兩日不去以為斯世不復有是筆  
也徐武功尤愛之嘗謂客曰余昔親登泰山  
是以知斯圖之妙諸君未嘗登其妙處不盡  
知也後以三十千歸嘉興姚御史公綬未幾

姚氏火作此畫亦付煨燼惜哉

朱善字儋萬豐城人洪武初以郡邑薦至京製  
作稱旨召官翰林令以家屬赴京就祿值夫  
人病數月不至上怒謫居遼陽不久放歸  
鄉里買地一區為終老計方往經營聞老翁  
哭聲甚哀詢之乃知翁之子鬻所以償公帑  
翁以無依故悲公聞惻然憫之以券還翁而  
不索其值後復起為文淵閣大學士

陳邨福州人知天文洪武丁丑登賢書進士第  
傳臚日私語同列曰吾觀乾象今歲狀元必

不利及唱名鄉為榜首 太祖以榜中多南  
人誅考官劉三吾等鄉亦連坐五月二十日  
再試親擢韓克忠為首卷通榜皆北人云

國初四明人王桓與二儒者同赴召見 太祖

于便殿 上問二儒者鄉事何業一對曰臣

業農上曰卿為農亦知禾麥之節有不同乎對

曰知之禾三節而麥四節是不同也 上曰

禾麥類耳節之不同何也對曰禾播種以春

至秋而穫凡歷三時故三節麥則歷四時始

成故四節 上曰是能知稼穡之艱難者即



擢某州知州其一人對曰臣業醫上曰卿  
為醫亦知蜜有苦而膽有甜者乎對曰蜂釀  
黃蓮花則苦蜜猴食菓多則膽甜上曰是能  
格物者擢為太醫院使次問及桓：對曰臣  
所業訓蒙上曰卿亦有好奇惡乎對曰人之  
善者好之其不善者惡之上曰是能明理  
者擢為周子助教

鄭尚書賜浦江義門人太祖嘗一日問尚書  
汝家累世同居何以致之尚書叩首曰但不  
聽婦人言耳上深然之遂以言聞於掖庭

尚書俱永樂初其家遂析

國初脩元史者前後凡三十二人皆極天下之

選而出吳者五人高啟李迪傳謫則王彞常

宗謝徽元懿杜寅彦正而陳基高選志皆常

寓吳考礼者十人楊基孟載鄭元長卿錢達

伯行皆吳人而張仲余堯義漸亦皆寓吳此

可見吾吳文物之盛也

無錫錢仲益允升號錦樹山人元末年十六中

江浙鄉試為杭州路錄事國朝以字行高皇

怒其不為己用取入京釘其右手於木自是

得疾常以左手作字平生天資甚高書過目  
即背誦如流洪武末起為本縣訓導後以御  
史薦入為太常博士與脩高帝實錄陞翰林  
脩撰卒於漢府長史後漢府謀叛事敗帝閱  
其戕大加歎賞其家得免於難

吾蘓易經永樂浚始盛實顧順中巽倡之順中  
易學蓋來自嘉興有鮑恂仲孚者精於易因  
初徵至京師太祖欲官之仲孚以元舉子  
不肯仕但曰臣老不能效忠有二子願皆充  
軍以報陛下上然之令人押仲孚徒跣回

取二子仍令仲孚後就送子上京後仲孚卒  
老死牖下順中易學仲孚之再傳也

鉄冠道人張景華者精天文地理之術太祖

與陳友諒戰鄱陽河以道人從友諒中流矢

死兩軍莫之知道人望氣語上曰友諒死矣

使上作文遙望祭之陳軍奪氣戰遂敗上定

鼎金陵其相地多出道人：嘗結庐鍾山

下梁國公藍玉一日乘間訪之道人野服出

迎玉戲之曰脚穿芒屨迎人足下無履時玉

以椰子瓢飲道人荅云手執椰盃勸酒尊前

不鐘○蓋密語密訊諷之意王武臣勿悟相與一  
咲而散不之玉果被禍而道人之言始驗道  
人一日無故投大中橋水而死後潼關守臣  
奏有鉄冠道人者以某日過關計之即投水  
死日也蓋異人云

杭州冷謙字啟敬善幻術居嘗鍛泥作釘賣以  
供食人莫測也洪武初太祖有志雅樂或有  
以謙精音律為言者嘗召至京授太常協律  
郎未幾即謝事歸其在京時鄉人有為吏者  
知謙之多術也告以貧故謙以手畫其壁作

房舍之狀謂之曰必堅以首觸之入其中即可得物然慎勿多取：：禍恐難免此人如其言每一觸金帛財物隨手可得一日呼其僕偕入意在多取僕偶遺路引其中未幾內庫失物中檢得紙是且姓名具在捕其人鞠之對曰昨吾主携入失此引耳復逮至吏則曰此冷謙教吾也上遣中使往捕謙：將至龍濟懇中使曰京已近欲沽一盃與諸君酌別何如衆頗憐之稍寬其縛酒將盡謙視酒瓮因躍入瓮中衆驚惶無措不得已持瓮入見

上曰謙汝第出吾貨汝死矣謙曰陛下欲殺臣臣決不出上大怒命力士碎瓦每持其一呼謙者即應或云謙被逮時剪紙鶴騎去瓦中言者乃劉月林也

洪武中山西張姓者多異術以其鄉人不善金

箔常往杭州學以授之鄉人因呼為金箔張一日經河南濟源其神素稱靈異貨帛財物有假貨者隨出水面張見之曰是不難殆伏机耳歸即鑿池倣其制為之已而果然每客至翫以為戲嘗有道人踵門張引之觀池道

談談手

人曰吾亦有小術特請君試之翼日天未明張  
見空中二童子乘龍馭控一龍下其家請張升  
龍、不服二童鞭之張乃得上須臾至一山有  
草屋三間道人坐其中張入作禮道人曰此中  
甚寂子欲避名當移家同住耳張留月餘頗得  
道人底蘊一日偶出散步回視惟空山而已詢  
之人乃在大同城外張由是其術愈神高皇帝  
聞其名召至京師曰聞卿多術願一觀焉張出  
袖中小銅瓶以湯沃之瓶口出五色雲少焉充  
滿殿庭上大悅欲盡其術張以蓮心投金水河



頃刻花葉滿池張曰臣頗解吳歌乃剪紙作  
舟吹墮水中張與妻子咸操舟唱歌其行如  
飛倏忽不見上嘆異久之

高皇帝征陳友諒舟次九江有周顛仙者伏謁  
道左上命登舟其人若風顛之狀一語不發  
上曰汝何為者對曰欲太平耳曰我伐陳友  
諒何如曰中塗覆舟上怒令推墮水中不溺  
行水上如履平地遂與同載至中途果覆上  
驚得免陳氏既平上至南京置顛仙於靈谷  
寺顛仙日與住持僧晤惱僧銜之一日以聞

上命以缸覆顛仙焚之一晝夜啟缸如故復  
命焚三晝夜缸內結如蚕蛭之狀顛仙但顛有  
微汗僧覆奏上怪之然顛仙自是不說終日  
不食僧亦不與凡閱月上知之命仍餓十日  
而顏色自若上始大驚親幸寺中見之既而  
顛仙求歸廬山許之臨行上問世間何事最  
樂曰喫飯去便最樂顛仙歸上一日忽大便  
不通百方不效顛仙已預知密令廬山赤腳  
僧獻藥闕下并備以詩遠是日至上見藥乃  
一小石問其僧曰清涼石心顛疑之見詩乃

顏仙手跡用水磨之異香襲人久之不散服  
已大便隨通上感其意令人隨僧入山求之  
香下可得人還乃親撰碑文命磨孟舉書立  
於廬山之上

陳友諒據江西日天兵臨之南昌太守勢迫以

城降南昌江西要衝友諒聞之且驚且怒自  
引兵欲殺太守而屠其城天將曉見一神人  
道士冠服長數丈坐城上而濯足於水一草  
履遺友諒舡上長五丈尺友諒惧兵不敢進  
城遂以金神人蓋許真君云

李鳳鳴字時可家馬馱沙上高皇帝時起兵自爪步渡

江道出馬馱沙時可以米二千斛牛羊數百

頭犒師上親幸其家及上旋師手詔借米二

萬斛時可奉命惟謹無幾何時可遂挈其妻

子并家貲浮海而去或傳其子孫在琉球云

然時可讀書工文詞以家資埒封頗事修靡

楊廉夫聞其名嘗往訪之時可出迎教里廉

夫飯之舟中所用皆碧玉器意欲夸示之然

其家覺無甚異時可有園櫻桃八株樹下各置

一案：面皆瑪瑙玉器稱是每客一羞姬侍

共摘櫻桃荐酒名櫻桃宴庶夫大悅時可家  
復有荷花宴每花時設几十二面皆嵌以水  
晶置金鯽魚其下上列器皆宮室間出歌妓  
為霓裳羽衣之舞一時豪麗罕有其比

洪武中京師有剝指揮者以疾卒妻擊鼓自陳  
無子欲朝廷給養太祖問之曰汝夫死<sup>時</sup>年  
若若干對曰年五十又問曰汝夫以百戰得  
一官將以富貴遺後嗣耳而不畜妻豈非汝  
之悍耶奉欲斬汝第念汝夫之勞着光祿司  
給與漆碗木杓日令乞丐功臣之家以為始

當作婦妬女婦者戒○

陳君佐揚州士人善滑稽太祖甚愛之上日  
給米一升上一日令君佐說一字笑話對  
曰俟臣一日上諾之君佐出尋替人善詞  
話者十數輩詐傳上命明日諸替畢集背  
負琵琶君佐引之至金水河見上大唱曰  
拜諸替倉皇下拜多墮水者上不覺大咲  
上嘗令人押君佐意授江實戲之君佐至江  
濱濡其衣以歸上曰何以不溺君佐曰臣  
下見屈原其言有理是以不死上曰屈原

大義以名  
者授押者

何言君佐曰屈原云我逢暗主投江死○汝遇明君莫下來○上一嘆釋之

甘肅都指揮馬葉者有妖術能騎草龍上天太祖知之密令駙馬都尉李堅與宦官一人往捕設酒邀馬葉擒之與宦官連鎖以行是夜在塗聞有<sup>黑馬</sup>急呼曰爺！來了！晨視之乃一小蛇也馬曰此行不死當繞我項出于口中否則吮吾中指馬葉言畢蛇果吮中指馬大慟曰吾必死矣抵京上命高于大中街忽大風雨屍肉俱不見

襄陽人闔俊少嘗侍

高皇帝帶刀上殿上以

俊久勞擢蘇州衛右所百戶永樂中郡民倪

宏三嘯聚為盜衛有曹百戶者巡捕追至楓

橋為賊所殺由是賊勢益猖獗事聞于朝命

錦衣校尉隨俊捕之時賊殺人奪其舟由太

湖渡揚子江俊追抵宿遷賊方賽神於廟俊

詐為丐者視其禱殊默心知其賊遂擒之

舟中凡十九人其首果宏三也即械繫京師

皆尚之朝廷賜光俊祿酒饌鈔兩錠衣四襲

而還後俊以擒賊功遂陞千戶先是郡之西



天王堂有土地像為元劉總管所塑後一日  
見之即號慟俯伏於地曰此絕肖我高皇帝  
第少氣耳蓋後侍高皇日久熟識龍顏故  
也像至今存

王止仲博學嘗館于耆澤趙氏趙富而礼賢每  
食必置食單冬月以蛙名進止仲朱點之主  
人使僕詰蛙何在曰掘老桑樹根下當有如  
言果然主人服其識

江陰相子先墓國手也洪武被召遣還宋太史  
有文送之子先以墓自負嘗榜于門云天下

碁師一日有野僧來較勝負僧寔高佯北以誘之明旦大會賓友而子先連敗其榜由是遂撤

太祖嘗怒一內侍灑掃不如法反接之市內侍衣綠別有一綠衣者隨之臨刑赦免兩綠衣翕成一人蓋其魂也晉阮瞻云今人見死者著生時衣服衣亦當有鬼耶此理殆不可曉洪武中橫塘人某以負薪為業忙至孝母癯日失明每歸即市一餅置懷中以奉母一日有人要而奪之某以情告堅執不與歸家母言

遣有人來云爾寄一餅吾食之甘目遂見物  
後約三日再來爾姑俟之三日某久俟之不至

遂出已而其人果來以一葫蘆與母曰凡有  
病者倒其中但得物煎湯飲之立愈某遂棄  
舊業人求之者其門如市後某死二子爭欲  
得之倒其中則不能出物矣

蘇叔瑜邵人性至孝洪武中戍雲南未幾母卒  
戍所叔瑜請於官奉母骨從雲南祇蜀登舟  
人不知其有母骨也忽江濤怒激舟欲覆或  
指江蛟有所觸同舟者盡恐叔瑜不得已懷

母骨登陸緣山嶺越三日夢一叟語之曰江  
行不危無恐也非瑜驚覺思其語乃復就舟  
江波帖然竟得葬母于鄉

劉彥敬洪武間謫戍雲南大理衛其地有鉄佛  
寺有僧多神異好頂笠子人呼大斗蓬和尚  
嘗渡滄浪江跣笠而行不用舟楫指揮恐有  
他變置諸獄中一日出行遙見此僧吹笛山  
上歸將答獄卒以為失僧時僧已端坐六日  
僧預告獄卒喚我必當擊吾首卒如其言擊  
首一下僧醒曰吾正熟睡何覺我也指揮如

不可殺遂釋之

洪武初有江西人精地理之術嘗往建安主於楊氏之第與楊氏翁甚相得楊氏居密迩土地祠術士因語楊翁曰吾德翁無以報然吾觀土地祠善地也翁能得此以居子孫富貴當不可言楊翁勿<sub>心</sub>之信固強之不可術士潛移祠中爐置楊氏楊翁質實不知術士之為也躬送還之既而術士復移神像鄉人知之咸詣其門且驚且喜信為楊翁曰得非神欲君家耶願易以祠翁頗憶術士之言遂易居

君烏未几翁平術士謂其子曰葬翁就此地  
勿他圖也將葬鄉人有善地者憤揚不招來  
詰術士曰此地何佳而汝取之術士曰掘地  
丈許必有石板下有井其中藏兩金魚楊  
氏葬之子孫富貴當不可言鄉人心欲驗之  
掘地果得石板術士曰石不可起啟也鄉人  
不肯半啟之見金光直上如流星狀地中有  
聲如雷術士急下立石上曰還留一個三公  
後楊氏孫<sup>生</sup>即文敏公也官至極品果如術士  
之言

吳江人王姓者為山東某衛軍正統末以老疾  
歸於家嘗為人言其從軍時自海道運糧將  
至遼陽中途遇風舟覆官軍盡死惟王與二  
人得附舟一板浮於海中不知幾晝夜三人  
有人參者共分食之食盡至嚙其衣以充腹  
後遇運舡獲救其在海中見一山撼動不止  
洪濤大作然與王相距尚遠熟視之山有巨  
蛇蟠結數周其首入海取食遂為大魚所吞  
兩力相持故動又嘗隨風飄蕩遠望如橋木  
然意其舟也近之則氣千蝦乃其須云海島中

蜘蛛種大有身兼數牛者予聞數十年前登  
州山中蜘蛛嘗與龍戰蛛以絲罩龍一因為  
蛛所殺後有火龍焚其絲蛛不能為逆死龍  
取其腹中蛛去身徑一丈六尺則王言似數  
牛者誠非虛安覆載之間何所不有但人自  
不見耳

前庚辰科廷試礼部翰林院官讀卷翰林欲以  
楊文定公魁多士礼部欲取胡文穆公爭不  
能決問之於上上命取二策閱之擢胡公  
第一以未見其人命左右宣湖廣秀才甚急



楊公湖廣石首人也疑似間索衣將出而胡  
公已至闕廷上見之意甚悅遂決且更其名  
為續永樂乃漢舊名

義為繼秦字非安以字行建文中為戶科都給  
事中燕王渡江叔安與其妻訣曰事變至此  
我惟有死耳汝第攜幼稚以歸否則俱溺於  
井辱可免也言未既火起內庭叔安馳往赴  
之道為兵校所執見燕王於金川門以叔安  
非奸黨籍命釋之叔安遂釋之投城而死采  
問其鄉人云叔安以散軍食不支被衆捶死

或云投降後乃卒更考之

方正學先生洪武中從叔學士宋公居京師宋  
公酷信佛先生獨不好嘗一日同遊天界寺  
主僧宗泐有詩名與宋公相得聞二公至鳴  
鐘鼓執禮甚恭宋公入門見佛像便拜先生  
但拱立宋公云子何不礼佛先生曰某素不  
識佛時泐在旁色動宋公咲謂之曰未到老  
夫田地耳

溥洽南洲國初右善世為建文啟藥師燈幟以  
詛太宗又為建文削髮太宗即位微聞其事

而未審囚之十餘年以姚廣孝臨沒之言得  
釋時白髮長數寸拜廣孝牀下云吾餘生師  
所賜也

僧道忞俗姓姚氏蘇州相城人少師事相城道  
士帝應珍應珍通儒家書兼多異術忞盡得  
其傳以才氣自負欲近冠巾嘗入城見僧官  
導從甚盛嘆曰僧中亦自富貴遂不果洪武  
三年秦晉燕周等十王之國召選高僧國一  
人送忞與選從燕王居北平慶壽寺浚燕王舉  
兵大抵多忞之謀三十五年燕王入南京召

漢村姓賜名廣孝拜太子少師初邑人王賓有  
高行永樂二年廣孝以朝命賑飢蘓松暇日  
沈謁賓不肯見後廣孝再通乃屏去騎從  
以指扣門賓問為誰曰道衍賓曰吾新薪此  
廣孝立俟門外久之門啟遂相與再拜坐定  
賓語不他及但連聲曰和尚誤矣和尚誤矣  
廣孝慚而退予識姚廣孝義孫廷用好著  
故衣一日以里役見太守楊貢跪而緋袍見  
詰之答曰先祖遺衣問何官曰少師姚廣孝  
貢大怒醜詆之同知者適曰公言信直奈太

宗皇帝何貢獻然

無錫王達善洪武間為大同訓導嘗過北平以  
書私謁太宗太宗優礼之達文宗助教因子  
太宗即帝位達善為草詔得入翰林為侍讀  
學士達善雖居禁近上心終薄之一日嘗問  
十難事達善識其八上曰吾還有一難字問汝  
哩達善聞之頓服錄者死今無籍人多能言  
之或云草詔者祇達善也彰太為翰林學  
士

王文靖公弟汝嘉洪武中以事充五開衛軍太

宗一日問文靖公曰聞汝有弟今安在其才何  
如文靖叩首言弟進見充軍五開衛其學與  
臣相似上即命取面試大馬歌并經義二道  
除大庾縣學訓導大庾自開科無舉人汝嘉至  
擇其天資明敏者晝夜督教自是登進士者  
二人汝嘉遂入翰林為五經博士陞侍講卒  
仁宗在東宮時王文靖公為贊善極蒙眷待仁  
宗嘗一日問解學士縉曰王汝玉吾甚敬之  
而父皇不喜其人何也解公對曰君臣相遇  
自古為難但汝玉無福耳仁宗賞其善對

朝廷庫藏內一銅人不知其何年然亦壞其半  
人莫能修永樂間有西域人至自云善此太  
宗命備之毫髮不差泯然無痕迹又南京渾  
天儀亦此人所備渾天儀與琰玗玉衡并周  
轂三器皆承以四龍景泰中周歇一龍忽飛  
入後湖今在司臺十一龍皆鎖之司天官所  
用唯渾儀玗衡周歇不用也  
太宗入京之日止於宮門尚書茹常至呼之曰  
瑞吾得罪天地祖宗奈何瑞叩頭曰陛下應  
天順人太宗悅進封宗誠伯

永樂二年戶部尚書夏原吉治水蘓松嘗延儒

碩請求水利時松有葉宗行者與焉宗行為  
人性頗剛直以原吉治水日久未底成績潛  
具奏以聞有旨令原吉覆奏原吉初不知及  
得旨大驚即日引咎朝廷方倚重原吉竟不  
加罪後宗行上謁原吉下階迎謂之曰某之  
治水無功誠有所如先生所云者受益多矣  
待之益厚未幾即論荐於朝於是宗行得錢  
塘知縣宗行居官一介不取諸人日惟飲錢  
塘之水後卒於官民為立祠祀之



錢塘方公賓在學宮時嘗誇驢入隘巷至一皮

工家驢繫門外適蔡都司鄴過驢欲歸隸平

轅之驢愈驚躍公出大罵蔡怒命轅公：一

時思尋歸即割志於學不三年登進士第歷

官至大司馬後蔡至京以負前罪次且數四

不得已見公：厚待之且曰君勿以前事亦

懷吾非君冒克至此蔡大喜過望人服公長

者

呂尚書震在礼部時文皇帝教自將北伐虜吏

部塞尚書養戶部夏尚書原吉皆切諫上下

聽一則問原吉日今糧儲足矣幾年原吉意  
上又將出師因詭對曰才穀半年耳上疑其  
誣乃命中官及御史案之則十年尚有餘也  
上大怒以原吉等朋黨欺妄居嘗憤詈時兵  
部方尚書賓提調靈濟宮日有中使至宮賜  
香數語賓以上怒賓惶惧自縊死朝房中有  
司以聞上命剗其屍且械繫原吉錦衣衛獄  
以震蕪顧戶兵二部事時變起倉卒諸大臣  
相繼罪死上震怒不已中外洶々咸不自保  
上慮震自危親諭之曰茲事卿本無與朕坦

懷相期卿得無疑但當為朕盡忘輔政耳又  
令校尉十人隨震起居以防之密勅曰震萬  
一自盡尔十人若皆代之死震乃頗自安震  
聰明絕人每朝奏請他尚書皆執副本又與  
左右侍郎更進迭奏震既兼三部奏牘愈多  
皆自專請對待郎不與也情狀委曲千緒萬  
端一覽之後輒背誦如流未嘗有誤又嘗扈  
從北狩上駐蹕虜地碑立沙磧中率從臣讀  
之震時與焉後上一日語及碑事因語礼部  
差官往錄之震奏曰其文臣尚記憶不須遣

使也遂請筆札上前疏之上不信密使人至  
虜中拓其文回校之無一字脫誤其強記如  
此

崑山龔翔字友章建文末年<sup>十七</sup>以<sup>十六</sup>戎卒守金川門

城破為之一慟後宣德中周文襄兩荐為崑  
山太倉教官語曰某仕此無害但恐負吾往  
日一慟耳竟隱居終身門人私謚曰安節先  
生

杜用嘉瓊與朱存理朱凱交每訪二子必先過  
存理下輿謂曰吾交凱在是當先謁凱而後

至君家及至凱所留之飯不可曰君貧當飯  
於存理氏

永樂初朝廷徵天下善鼓琴者三人曰明徐仲  
和松江劉鴻姑蘓張用軫同諧闕朝廷劉彈  
瑟歛為言官所劾張彈和弦不能彈徐彈文  
王一曲上大喜除錦衣千戶今兩京及浙中  
琴皆其所授惟姑蘓則尚劉氏楊凌父鴻弟  
子也

長洲夏建中洪武間行貨下鄉泊舟夜方半鄉  
人共來欲肆劫掠建中素勇悍善武博以木

擊群盜有墜水者已而盜大聚建中知不可  
免棄手中木港遠行約三四里見田家有燭  
光踰垣而入告以故盜追之不能得建中以  
過用力且受驚歸家得疾臥床席不能展轉  
九年群醫藥之莫効時建中母尚在聞浦江  
趙良仁以總神於醫久寓其鄉然莫可踪跡  
適有老嫗言沙湖田舍有趙提舉者匿其中  
日手一網不置得非其人乎母聞之大喜夏  
氏里人有願亨之者與趙公交母買舟懇願  
生往時冬月趙方曝背簷下見願來大驚願

以建中病告欽屈其一視趙曰吾不出久矣  
顧懇之再遂與偕來時群醫咸集趙視建中  
顏色曰吾觀子之聰明踰於衆醫病可起無  
憂也然心服一年藥則可後果如其言趙以  
建中可托盡以其術授之建中既精於醫尤  
潛心經術永樂初以荐為訓導訓導陳太保有戒  
俞司寇仕朝李侍郎黃仰大理瞻皆其弟子  
後建中以考績至京遣外國人進貢得疾官  
醫不能療太宗命在京官貢軍民有善醫者  
許奏以聞御醫盛啟東與建中同郡素知其

精匠遂舉以應命建中藥之亦無効而死太  
宗怒建中與群醫皆下獄踰年大臣為之奏  
辭上曰吾亦忘之矣死生有命非諸醫之罪  
也遂宥之建中出獄已有疾不久竟客死京  
師

張尊師俗稱張皮鵞名景忠後更名道修別號

雲峰長洲人也父遵洪武江西叅議携尊師以隨

時尊師年才十餘備然有塵外之志嘗潛出

庭宿不返母夫人使人覓之見一民家追道

流誦經尊師從旁竊聽若有得者夫人異焉



年十六還吳時求道之志愈堅遂不肯娶入  
玄廟妙觀札胡玄谷俗稱胡風子為師胡蓋得  
雲溪莫月鼎之傳然秘其術不輕授人尊師  
事之甚謹一日天將雨胡呼謂曰汝與其衆  
盡如其言敕瓦見有書一帙取視之乃月鼎  
五雷諸法也大喜而下胡漢謂曰捉得麼云  
已得之矣由是尊師之名藉、聞吳楚間宣  
德八年夏長洲下雨苗將禍死江陰大家周  
氏懇請尊師、往而頗有怠意尊師登壇  
怒甚命雷神擊碎大樹凡二周氏之黨悉為

雷火所焚粟無粒存已而黑雲蔽天有龍凡  
四雨下如注觀者莫不股慄十年乙卯崑山  
不雨縣尹某延尊師致禱尊師約三日雨  
果如期而至田疇沾足尹酬以金帛尊師麾  
之去尹為塑其像以遺焉尊師風神高朗梳  
兩鬢髻著青布袍每天日晴美行市井間人  
招之不至或不招自來惟聞人之患則就己  
之患朱明寺橋有戴翁<sup>音</sup>以鬻雞為業子忽遭  
疾謬語不省人事延尊師治之尊師入其門  
求棒就床次連擊十下子病遂瘳枕市里焉

氏婦一日自外來為崇所憑狂叫欲走見尊  
師來即俯伏於地甦而如故憇橋巷丁某女  
病傷寒諸藥莫療請尊師至索酒痛飲杯行  
無算頻行告之曰勿藥至五更愈矣既而果  
然蓋尊師之術之神如此尊師年六十一以  
正統庚申四月無疾而歿後一月人有見  
於吳江之長橋者或疑為屍解云

城南梁興甫者身幹短而膂力絕人永樂間嘗  
往南京止洪武門見守門軍畫孫人物心甚  
不平因以好言論之軍怒撲興甫興甫連踣

數軍：以達於指揮連與甫至置高手者十  
人堂上堂下列勇士身者百人與甫見指揮長揖  
不拜言辭慷慨指揮心頗異之曰聞汝之技  
願一觀之與甫即結束下堂拳而立衆皆靡  
避莫敢措手以是徑出其門郡城有衆惡少  
日聚賭心勝人乃已與甫聞之携一篋斗我  
持能容中置錢數千以往惡少方博樓上與  
甫至與博博伴敗後大勝曰吾欲歸不博博矣惡  
少將詭侮之與甫以樓中不可用于尽取錢  
實斗中幾滿以其肘挾斗脅下樓若空斗然

惡少大駭不敢肆侮詢人之知其為興甫也  
池日至北京有一勇士與陳蚩子者素諳多  
力兩人方撲興甫旁覩竊笑之撲已勇士取  
興甫於手中曰汝欲東邪西邪興甫曰第隨  
所之言已興甫立於地而勇士跌矣陳蚩子  
怒任前扼其胸於墻上為之動興甫躍起陳  
肩陳不覺仆地良久而起興勇士皆再拜頓  
為師弟子興甫授其能遊四方竟無敵手廣  
西僧有魏勣善禪者以拳手高天下將食至  
吳時興甫已老約與北寺相見興甫往僧已

先在北寺殿前有施食臺其高幾丈濶倍之  
二人登臺相撲觀者如堵吳甫一拳中僧右  
目睛突出於面僧以手去之分必死奮力相  
角擊吳甫墮臺被吳甫以足跟傷其胸吳甫  
歸內傷二日死僧亦三日死

戴俊者蘓州將家子少師事梁吳甫嘗與一侯  
西人同往四川經一山菴中有老僧善撲搦  
字於門二人入僧有兩童子守門亦善撲遂  
與對手童子不能勝乃驚入報老僧者坐禪  
床上曰汝二人能勝吾童子亦高手也因命

其一人前老僧坐恒不動惟略舉手而其人  
已擲於地及後三僧仍擲之倭立不仆僧異  
之曰汝可教也因留止盡以其術授之蓋僧  
居山中見老猿二日相角為戲其技甚神非  
世人可及後一猿中箭死僧閒暇時與孤猿  
戲撲因得其妙後既得僧傳思天下惟僧為  
通已求其不意殺之出山由是倭之技益神  
矣南京人有尤十六者力舉千觔素無賴出  
行常要人索飲有不識者拂其意以手起廊柱置  
人衣裾其下人許酒乃脫倭間入南京知之

一日同集教坊觀雜劇倭故踐尤一足尤大怒將拳之倭佯怯出尤勝下而尤仆地被倭數十跟子乃呼謂曰尤十六汝不識戴二官人耶尤拜謝乃免觀者千人稱快尤沒肆不逞時仁廟監國命官軍捕之串克倭沒擒以獻決脊四十嘔血而死太宗在北平聞之甚惜

蘇定潤城西人小字阿康身長七尺有勇力然家甚貧嘗賣餅肆中以養母景泰間寧陽侯以朝命征鄭茂七軍經吳門人皆畏避是潤



獨無所惧賣餅自若餅悉為過軍所奪廷潤  
怒曰若輩討賊而乃奪吾餅耶一時撲倒數  
十軍即以白於寧陽侯寧陽侯乃下令軍士  
有奪人財物者斬三軍皆吐舌城西有強盜  
十八人橫行官不能捕廷潤夜度其過江村  
橋執流鏑<sup>主</sup>伏橋下使其弟廷澤持虎尾鉞鞭  
候之夜半盜將劫人果經其橋廷澤於上作  
咳嗽聲廷潤出與弟共前擒賊獻於官蓋廷  
澤亦多力云

毛某者衢州人精於醫一日騎驢行深山中童

予負藥籠以隨至絕壁下林木陰翳有猴千  
餘以藤繞毛身并取其藥籠以上童子得脫  
驅驢歸皆以噫毛為必死矣毛升石壁高可千  
尺上有平地數畝架薪為屋中卧一老猿若  
有病者引毛手按臂上毛脉之投以小柴胡  
湯猴病愈毛留四日懇辭求歸老猴咄床下  
出一小盤非木非石四周皆竅置毛籠中意  
似酌毛復縫之下毛還家言其故人皆驚嘆  
然莫盤辨為何物未幾太監鄭和以朝命持  
采寶西洋其毛以醫士當行因獻鄭此器欲

祈其免鄭驚喜曰此定珠盤也汝曷從得之  
賞鈔三百錠仍免其行鄭往西洋嘗夜以此  
盤浮海上光明如月海中之物皆吐珠盤中  
鄭急收盤得珠下可勝數其中有徑寸者鄭  
後四召毛見復贈珠三升其家因以致富鄉  
人呼胡毛孫云

寧波去海二千里有分界山與日本國相連其  
山周二三百里上多桃李竹橘之類旧有居  
民國初<sup>清國公</sup>盡遷之中國寧波人嘗往采其山采  
蔬菜多見野人及毛女其毛女與婦人無異

貌最美唯兩耳類犬不能言以藤穿樹葉蔽  
其體同行入嘗有病者舟中恐其傳染祭屋  
齋糧置此山中浚月餘復經此山而人已無  
恙乃附舟歸言初卧山中時見毛女持兩山  
鵲來坐其傍唯飲鵲血其人取肉烹食之由  
是毛女日取果來食之數日遂與之合如  
夫婦人病遂瘳後此人登舟毛女浮水追及  
舟人以篙沉之

嘉興金晟永樂中為刑部主事時湖廣有強盜  
若干人械部金鞠之其渠魁年百二十五歲

面如童子金不信移文聽之果然因問其所  
以歿壽少岳荆山中嘗有人見之以草灸其  
麟云合而多壽遊活至此耳胡足以其老合  
然歿之餘皆然詠

元曾云西晉漢夏以清能意同時有黃大痴僕  
麟老善西鷹談色有法太倉陸象政文量為  
今言洪武初其鄉人周元素妙於西有蒼頭  
阿留愚騃無比然能為元素傳色元素取其  
長用之終身近沈石田家童朱大年以善山  
水

王光菴先生之僕有素端者事先生日久亦精  
於外科先生沒無子端總之不忘刻木為像  
以事焉亦義僕也

溫州瑞安縣有元進士高明誠則墓上有穹碑  
宣德間黃少保淮銘其事作其家墓碑高有  
齋孫出語黃曰公銘去碑何太薄耶黃曰足  
矣乃曰吾恐後人復來銘公碑耳黃慚無以  
對

酒色財氣人鮮能除去此四字者都定襄登自  
言平生不惑酒色與財惟氣則不能忍錢尚

書傳平生極耐氣然酒色與財皆著力以此  
相及余曰郭公為不忍氣故酒色財皆無所  
好錢公犯此三字故不得不耐氣耳

鄉先生俞貞本嘗作厚薄銘言近而意切深中  
今時之病銘曰厚於淫祀薄於祖宗厚於妻  
子薄於父母厚於巫卜薄於醫藥厚於嫁女  
薄於教子厚於異端薄於賢士厚於誇誕薄  
於信實厚於虛空薄於殯葬厚於悞內薄於  
異法厚於貨財薄於仁義厚於責人薄於責  
己厚於祈福薄於脩德公為石澗先生之孫

初名禎字叔元浚更名貞本字有立洪武間  
嘗知樂昌都昌二縣事

應天府鄉試每科取中式舉人百三十五名其  
三十五名取自太學乃洪武舊制四明陳蔡  
酒敬宗在南京時每值大比揭時曉隨門開  
入院親視填榜必取三十五人而浚近若今  
日則不能然矣

工部侍郎羅汝敬吉水人也宣德中以使事過  
蘇州適大理府熊鑒巡撫江南盛作威福大  
家巨族少被誣者隨至藉沒冤號之聲不可



聞汝敬與熙有鄉里之好胥會間因以陰陽  
之說論之熙不能從為之益甚汝敬至京謁  
見陳奉使事畢以概事具奏宣宗覽之惻然  
即日召熙回以工部侍郎周忱代之自是東  
南之民稍得安矣

南昌沈公鍾字伯律宣德庚戌以礼部郎中奉  
玺書出守吳郡國朝自郡守洪武以來郡守  
之賜玺書蓋自公始公為人剛介有為既下  
車即以興利除害為己任修政除明禁令一  
以玺書從事首雪民之冤為軍而復其後者

千七百家民有聚黨誣害善類公治<sup>其</sup>尤者數  
人餘皆飲迹先是工部侍郎羅公汝敬奉使  
江南首詳吳郡糧賦計二百八十餘萬石天  
下田糧之重無出吳者遂奏請於朝得減糧  
七十二萬一千餘石戶部尋沮之欲征前數  
公即上章其辭有失信於民之語宣廟嘉而  
納之公又奏蠲<sup>恤</sup>沒湖田之糧十四萬九千五  
百石壬子秋積雨傷稼朝廷賜免長洲等縣  
糧二十九萬五千餘石亦以公之奏也是年  
冬公入覲宣廟遣中官召郡守七人宴光祿

寺并賜以詩公寔為之首癸巳三月公至郡  
時麥不收公奏免夏稅十四萬石秋蝗生嘉  
定公禱於天風雨大作蝗遂死為初公考績  
吏部吏部將大用之會郡民二萬詣闕留公  
時英廟在位嘉公成績錫之誥命進階中議  
大夫食三品祿俾復其任公敬應中外侃々  
自持事苟有益於國家利於民者知無不為  
為無不力其治郡時有群鶴來翔老姬夢訴  
之異其去郡也民為歌曰況青天朝命宣宜  
早還又歌曰况太守民父母願復來養曰叟

公在郡十<sup>有</sup>一年封章幾三百餘上年五十九  
卒於郡治士民繪其像祀於範文正公之祠  
錢塘瞿宗吉著剪燈新話多載鬼怪瑤藝之事  
同時廬陵李昌期復著剪燈餘話續之二書  
今盛<sup>傳</sup>市井予嘗聞嘉興周先生鼎云新話非  
宗吉著元末有富某者宋相鄭公之後家杭  
杭州吳山上楊廉夫在杭嘗至其家富生以  
他事出值大雪廉夫留旬日戲為作此將以  
遺主人也宗吉少時為富氏養壻嘗侍廉夫  
得其稿後遂掩為己作唯秋香亭記一篇乃

其自筆今觀新話之文不類廉夫周先生之  
言豈別有本耶昌期名慎登永樂甲申進士  
官至河南左布政司致仕卒其為人清謹所  
著詩有運覽漫稿景泰間韓都憲雅巡撫江  
西以廬陵鄉賢祀學宮昌期獨以作餘話不  
得入著述可不慎歟

揚文貞公好獎拔士類洪熙初年仁廟嘗幸文

淵閣問曰公當今山林亦有人乎公以吾鄉  
陳先生繼對仁廟即使召之繼至吏部擬  
授國子博士繼入謝仁廟謂當在禁近乃改

翰林五經博士公蓋未嘗識繼也又劉蔡酒  
宗器在翰林時公嘗問云東南文士陳嗣初  
外為誰劉曰有張肯綮孟者頗善文公曰其  
文如何對曰粗枝大葉公驚嘆曰粗枝大葉  
此文章之所難然張已老公不及荐焉

馬都督俊其先回人不食猪肉宣宗一日宴

武英宣俊甚急俊至上以食猪肉賜之俊即  
奉之幾入口上笑曰汝回人不食此耶俊  
叩首曰陛下欲臣死即死況食肉耶上即命  
左右取肉且曰吾戲之耳不可破汝戒也俊

復叩首謝

蔣用文淮南人儒而精於醫初以戴元礼荐入  
太醫院為御醫永樂中陞院判極蒙寵異仁  
宗在在青宮尤眷待之後公以老卒於京師  
仁宗特加院使賜謚恭毅命中使護喪以歸  
國朝太醫院官無賜謚者有謚惟公一人而  
已

人之貴賤壽夭國云有命其間亦有不盡然者  
姑以余所知言之沈先生啟南與盧知縣鐘  
生年月日無不同者盧乃官至七品先生雖

清高竟不沽寸祿朱孝子顥與唐惟勤廣以  
同年月日時生唐為吉安縣醫官年六十一  
而卒而孝子年至七十且四人皆產兵中此  
則不可不曉也

吾鄉沈孟因永樂中以人材被徵出使浙江布  
政謝公以其讀書善吟禮之頗厚一日胥曹  
大暑布政扇偶墜地命吏拾之其吏但拱立  
答云不敢湏命之則云有皂隸布政笑曰是  
吾差子遂令隸平拾之畧無怒色觀此化可  
想見前輩風致



吳郡憲訥為御史時出巡貴州還依當言三司  
官得失有潛以黃金追送於道者吳公略不  
致封但題詩其上云蕭蕭行李向東還要過  
前途最險灘若有私贓并土物任他沉在碧  
波間千七保嘗為兵部侍郎巡撫河南其還  
京日一物不持人傳其詩云手帕麻姑與線  
香衣資民月天為歟清風兩袖朝天去免得  
閭閻話短長讀二詩可見前輩之為吏而貪  
污亦少也

胡忠安公在母腹時母嘗度夢有老僧來謁手

持三花以其一遺之驚悟而公遂產其髮尚  
白踰月乃反黑數日有老僧至門曰聞汝家  
生男亦有異乎其家不對僧逆索觀之公出  
見僧微有笑容衆人怪問僧曰此吾師天池  
在老後身也吾師示寂後夢吾而告曰今托  
生常州某家尔當來視我以一笑為記今真  
是矣聞者咸嘆其異後李翰林賓之亦陽郡人邵  
文敬挽公詩皆有前身是禪之語蓋紀實也  
天池山在吳城西四十里

胡忠安公天順元年八十二辭免師傳以礼

部尚書致仕時公三弟年皆七十餘皆康強  
無恙蒼顏皓髮燕樂一堂之上公遂名其堂  
曰壽堂堂白為之記公歸七年八十九而薨  
蓋公自建文中辰登第立朝幾六十年為尚  
書者三十一年十知貢舉天下學士多其門  
生及予名成身退而也有天倫之樂福壽如  
公斯世一人而已

國朝六卿之壽考者以余所知若蕭山魏公驥  
凡十七毗陵胡公藻八十九吾鄉楊公肅八  
十五鹽山黃山翱八十四四人惟魏公之齒

最高自校官歷仕至南京吏部尚書致仕詔  
進階一品人傳其九十歲時髮不落燈下犹  
書蠅頭細字日應酬詩文無有倦色後朝廷  
聞之遣行人賫勅存問并賜羊酒命甫及門而  
公公薨矣

監察御史廬陵孫公鼎正統間提督南畿學校  
公為人外和內剛教學者必以力行為先於  
日端坐未嘗歌側人多化之性至孝嘗為松  
江府學教授其父將往視之公聞之喜躍西  
向再拜既而父至公趨見即拜俯伏岸側俟

又登岼而己後公致政家居一日忽沐浴具  
衣冠拜謝別父母告以某日某時當死父母  
怪之勿信及期復拜別如初遂端坐而逝蓋  
公平日之學一本以誠故能前知如此